

drykkir. Sömuleiðis má selja skyr og einstakar máltíðir, ef skilyrði til þess eru fyrir hendi. Aðrar veitingar skulu ekki leyfðar. Allar veitingar skal selja við vægu verði. Mönnum, sem eru undir áhrifum vins, skal alls ekki leyfð dvöl á heimilinu, en þó reynt að aðstoða þá og leiðbeina þeim eftir mætti.

6. gr.

Gefa skal fjármálaráðuneytinu árlega skýrslu um hag og rekstur Sjómann- og gestaheimilisins, og skulu fræðslumálastjóri og ráðunautur ríkisins í bindindismálum hafðir með í ráðum, ef einhverjar breytingar þarf að gera á tilhögun og rekstri heimilisins. Leita skal og samþykkis fjármálaráðuneytisins á öllum breytingum, er kunna að þykja nauðsynlegar á reglugerð þessari.

7. gr.

Nú leggst starfræksla Sjómann- og gestaheimilisins niður um lengri eða skemmri tíma, innan 10 ára frá byrjun reksturs þess, án þess að til þess liggi óviðráðanlegar orsakir, eða þá að um er að ræða endurtekna vanrækslu á rekstrinum eða brot á reglugerð þessari í verulegum atriðum, og skal þá framlag ríkisins eða sá hluti þess, sem eftir telst standa í húseign stofnunarinnar, miðaður hlutfallslega við fjárframlög stúkunnar Framsóknar nr. 187, endurkræft.

Hætti st. Framsókn nr. 187 störfum, skal framkvæmdanefnd Stórstúku Íslands ráðstafa stofnuninni og rekstri Sjómann- og gestaheimilisins samkvæmt reglugerð þessari, eða eftir þeim ástæðum, er þá kunna að vera fyrir hendi.

8. gr.

Reglugerð þessi staðfestist af fjármálaráðherra, ráðunaut ríkisins í áfengismálum og af stórtemplar (f. h. Góðtemplarareglunnar). Reglugerðin gengur þegar í gildi.

Reglugerð þessi samþykkist hér með.

Reykjavík, 19. maí 1942.

Jakob Möller.

Kristinn Stefánsson,
stórtemplar.

Friðrik Ásmundsson Brekkan,
ráðun. ríkisins í bindindismálum.

Staðfesting ríkisstjóra á skipulagsskrá fyrir „Minningarsjóð Margrethe Schiöth“, 76 útgefin á venjulegan hátt að mandatun af dóms- og kirkjumálaráðherra 20. maí 1942. Skipulagsskráin er þannig:

SKIPULAGSSKRÁ

fyrir Minningarsjóð Margrethe Schiöth.

1. gr.

Sjóðurinn heitir Minningarsjóður Margrethe Schiöth. Er hann stofnaður til eflingar garð- og trjárækt á Akureyri.

2. gr.

Stofnfé sjóðsins er 1000 — eitt þúsund krónur — en við það má bæta síðar, þó með því skilyrði að innstæðan í heild sinni, á hvaða tíma sem er, sé háð ákvæðum þessarar skipulagsskrár og má aldrei skerða hana.

76

20. maí

3. gr.
Fjórði hluti árlegra vaxta innstæðunnar skal jafnan leggjast við höfuðstólinn, en þrem fjórðu hlutum ársvaxtanna má verja til þess að fegra Lystigarð Akureyrar, eftir því, sem stjórn lystigarðsins álitur best henta.

4. gr.

Stofnféð er nú í skuldabréfi bæjarsjóðs Akureyrar frá 1938. Þegar það skulda-bréf verður dregið út eða útborgað, skal andvirði þess, ásamt því, sem stofnsjóðnum kann að hafa áskotnast, ávaxtað í þeirri lánsstofnun, er stjórn lystigarðsins telur best fallna til þess að geyma innstæðu sjóðsins.

5. gr.

Stjórn Lystigarðs Akureyrar hefur ávallt á hendi stjórn sjóðsins og annast um að honum sé varið eftir fyrirmælum þessarar skipulagsskrár og semur árlega reikning hans, er jafnan skal leggjast fyrir aðalfund félagsins til samþykkis.

6. gr.

Nú hættir stjórn Lystigarðs Akureyrar að starfa, þannig, að Lystigarður Akureyrar gengur undir umsjá og stjórn bæjarstjórnar Akureyrar, fylgir þá sjóðurinn garðinum. Að öðrum kosti ráðstafar lystigarðsstjórnin sjóðseigninni, ásamt öðrum eignum garðsins.

7. gr.

Þegar minningarsjóður þessi er orðinn að upphæð 10000 — tíu þúsund — krónur má verja vöxtunum öllum í þágu garðsins.

8. gr.

Að 100 árum liðnum frá dagsetningu þessarar skipulagsskrár, er stjórninni heimilt að breyta henni, þó því aðeins, að hún sé þá úrelt, og komi ekki lengur að tilætlum notum.

Akureyri, 31. júlí 1941.

Margrethe Elisa Schiöth
f. Friis.

77

20. maí

Staðfesting ríkisstjóra á skipulagsskrá fyrir „Minningarsjóð Njáls Jónatanssonar frá Reykjum í Fnjóskadal“, útgefin á venjulegan hátt að mandatum af dóms- og kirkjumálaráðherra 20. maí 1942.
Skipulagsskráin er þannig:

SKIPULAGSSKRÁ

fyrir Minningarsjóð Njáls Jónatanssonar frá Reykjum í Fnjóskadal.

1. gr.

Sjóðurinn er stofnaður af Njáli Jónatanssyni, vinnumanni á Reykjum í Fnjóskadal, samkvæmt erfðaskrá, dags. 28. des. 1929.

2. gr.

Sjóðurinn heitir Minningarsjóður Njáls Jónatanssonar frá Reykjum í Fnjóskadal.